

جَزِينَةُ مَحَاكِمَتِ

جمعه ايرتسى

نومرو	شوال	سنه	حزيران	سنه	صفحة
٤٩٩	٢٣	١٣٠٦	٩	١٣٠٥	٥٩٠٣

(اشبو غزته بهر هفته جمعه ايرتسى كونلرى چيقار . سنه لىكى در سعادت ايجون مجيديه يكرمى غروش)
 (حسابيله التمش غروشدر . طنسره لر ايجون اون اش غروش بوسته اجر تى ضم اولنور . بهر)
 (نسخه سى ينه مجيديه يكرمى غروش اولق اوزره بوز باره هر يردده صايلور . درج اولنه جق)
 (اعلانك هر برندن بر مجيديه اخذ اولنور . سنه لىكته مشترى اولق استيانلر عدليه نظارتى)
 (داتره سنده كاشن جر بده محاكم اداره سنه مراجعت ايلمليدر)

اون برنجى ماده — اعشار وارداتى علناً
 بالزايده تقرر ايده جك بدل نقدى ايله برسندك
 اولق اوزره مقطوعاً احاله اولنور يالكز زيتون
 عشرينك ايكي سنه لىكى احاله اولنق چاژدر .

اون ايكنجى ماده — واردات عشرية يى
 التزام ايدنلر ايله انلره كفالت ايليانلرك تبعه دولت
 عليه دن بولنملرى مشروطدر .

اون اوچنجى ماده — مجلس بلدى و تجارت
 وزارت او طه لرى رئيس و اعضاسى ايله كتبه .
 سندن ماعدا صرف طرف دولتدن منصوب بالعموم
 مأمورين ايله مجالس و محاسنك اعضاسنك و كتبه

قسمت سى

(بوكره تعديلاً قلمه النوب مرعيت احكامنه)
 (بالاسنيدان اراده سنیه حضرت خلافت پناهی)
 (شرفه لىك پيوريان اعشار نظامه سنك)
 (مابعدى)

فصل ثان

(اعشارك مزايده و احاله سى حقنده در)

اقلام ایله خدمت دولتک کرک طوغریدن طوغری به
 و کرک بالواسطه اعشار التزام ایتملی و ملتزمه
 کفالت ایتملی ممنوعیت مجالس و محاکم
 اعضا سببه کتبه افلامک اولادینه ده و اقرارندن
 منفعت و تجارتلی کندولریله مشترک اولانلرده
 شامل اولوب فقط بونلرک خانه و ادارلری مستقل
 و کندو املاک و ثروتلریله تأمینات اعطاسنه مقدر
 اولان متعلقات اعشار التزام و ملتزمه کفالت
 ایله بیلورلر ممنوع اولانلردن ختیا و نام مستعار ایله
 اعشار الدولری تحق ایذلر مأموریتلرندن طرد
 اولمقله برابر همان حاله فسخ ایله دیگر طابینه
 حاله و یا ممانه اداره اولنور و بوندن طولابی ترتب
 ایذن ضرر و زیان و فرق کندولرینه و کفیلرینه
 تضمین ایتمیریلور و خلاف ممنوعیت بونلره اعشار
 الزامه بیلرک مساعده ایذن مأمورین حقنده دخی
 معاملة قانونیه اجرا قلنور .

اون دردیجی ماده — حبوبات اعشاریله
 انک میاننده صاتیلان محصولات ساره اعشارینک
 ولایت ولوا و قضا و ناحیه جه طو پدن مزایده
 و حاله سی کلیاً و قطعاً ممنوعدر امر حاله و مزایده
 مطلقاً قریه قریه اجرا اولنور آنجق اشبو نظامنامه نك
 اوتوزنجی و اوتوز برنجی ماده لرنده محرر اسبابه
 مبنی اراضیسی ملاصق و مخلوط اولان و متفرقاً
 طالی چقیمیان بعضی کویلرک مذکور ماده لرده
 پسان اولندیجی صورتله پراشدیرلرک مزایده

و حاله سی جائز اولدیجی کبی پلاموط و آفون
 و حریر و زیتون اعشاری ابله میان کوك و بالی و بو
 قیلدن اوله رق حبوباتدن بالقریق آروجه و طو پدن
 صاتیله کلان بعضی محصولات قضا قضا و یا خود
 سنجاق اوزرینه مزایده و حاله سی جائز اولور .

اون بشنجی ماده — هر سنه ابتداسنده
 ولایت داخلده بولنلر قرانک عدینه کوره ولایت
 مرکز لرنده اشبو نظامنامه به مربوط « ۶ »
 نومرولی نمونه موجبیجه قوچانی مزاد پوصله لری
 طبع ایتمیریلرک قضا ره کوندیریلوب و قضا لرده
 دخی در حال کویلرک اسامی و بدلات سابقه سی
 طولدیریلوب هر قضا نك باشلوجه محصولندن
 قعیسنک زمان ادراکی اول حلول ایذر ایسه
 وقت ادرا کتیه بر ماه قاهره اعشارک مجلس اداره
 قضا ده علناً مزایده سنه بدأ اولنور .

اون التنجی ماده — ماده سابقه ده تعیین
 اولنان وقت مزایده نك حلولندن اولجه هر قضا نك
 حاوی اولدیجی قرا اعشارینک حاله سیچون مرکز
 لواده ایام مخصوصه تعیین اولنورق ولایته بالاشعار
 ولایت عزته سببه اعلان ایتمیریلرک کبی کیفیت
 لوانک سائر قضا لرینه و مناسبت موقعیه و تجارتیه سی
 اولان جوار لوا و قضا مرکز لرینه دخی
 بیلدیریلور و مدت حاله قرا اهالیسنجه ده و قتیله

معلوم اولق اوزره مدت مذکور نك حلولندن
 برهفته مقدم قضا مرکز لرندن هر قریه به اشبو
 نظامنامه به مربوط « ۴ » نومرولی نمونه سی
 موجبیجه مطبوع اخبار ورقه سی کوندیریلرک
 بونلرک وصولنی مشعر قرا اختیار مجلسلرندن بر
 علم و خبر اخذ ایله قضا مجلسی اداره سنده حفظ
 اولنور .

اون یدنجی ماده — تعیین ایام خصوصنده
 محصولی ابرکن یتیشان قضا الر تقدم و کج یتیشانلر
 تأخیر اولنور و ایام مذکور هر قضا قرا سنک
 عدینه و اعشارینک مقدارینه کوره تخصیص
 قلنور مثلاً بر قضا ایچون مایسک اون درندن
 یکریمی بشنه و دیگریمی ایچون یکریمی بشندن جزیرا
 نك بشنه و بر دیگریمی ایچونده جزیرانک آلتیسندن
 اون آلتیسنه قدر مدت قونیلور آنجق بو مدت اون
 کوندن دون تعیین اولنور .

اون سکزنجی ماده — اعشارک مزایده
 و حاله سی موسمنده مالیه نظارتندن عند الایجاب
 ولایات و الویه به مأمورین مخصوصه کوندیریلور
 و ایلر دخی لزوم کوردکری لوا و قضا ره عزیمتله
 مزایده و حاله به نظارت و دقت ایلیه چکلردر
 ولایم کلان لوا و قضا ره ولایت دفتر داربله سائر
 ارکان ولایتدن مناسبلری کوندیریلرک امر مزایده
 و حاله تدقیق و تقییش ایبله چکلدر .

اون طقوزنجی ماده — وقت حاله نك تقر
 بنده لوا مجالس اداره سنده واردات عشریه لرینک
 مقدارینه کوره اوج درت قضا برداره فرض
 اولنورق و بوداره لرک بریسنه لوا تصرفی و دیگر
 ینه محاسبه جیسی کیتک اوزره سائر لرینه ده ایچابه
 کوره ولایت ولوا مجلس اداره لری اعضا سندن
 و مأمورین سائر دن و قوف و اهلیتی جائز بر ذرات
 انتخاب اولنورق داره لرک صورت ترتیبی و هر
 برینک حاله سنه کیملرک مأمور اوله جغی مرکز
 ولایته بیلدیریلور ولایت الویه نك تسیبنی
 عینله تصدیق و یا خود تعدیل و مأمورین منتخبه
 بی لزوم کورر ایسه بالتبذیل محلندن و یا مرکز
 ولایتدن دیگر مناسبلرینی تعیین ایذر متصرفلرک
 مرکز مأموریتلرندن تباعدلرینه مانع بر حال بولنور
 ایسه آنلرک کیده چکلری داره به ولایتک رأیله
 دیگر بر ذرات کوندیریلور ترتیب اولنان دوا نك
 هر بری نهایت درندن زیاده قضایی حاوی اولیه
 چکلدر .

یکرمنجی ماده — ماده سابقه ده صورت
 ترتیبی پسان اولنان دوا ره حاله ایچون تعیین
 اولنورجق مأمورلر مجلس اداره قضا هیئتی حاضر
 اولدیجی حاله مزایده بی علناً اجرا ایله چکلردر
 کرک مزایده و حاله نك اجرا سنده و کرک یکریمی
 برنجی و یکریمی ایکنجی ماده لرده پسان اولندیجی

وجهه ملتزم و یا خود کفیلانک تقدیر استطاعت
مالیه لری خصوصاً صنده مأمورین مذکورہ ہیئت
مجلسه مشترکاً مسئول بالمال طویاور .

یکرمی برنجی ماده — هر قضاده اولجه
تعیین و اعلان اولنسان مدت احاله نك حلولندن
لااقل برهفته مقدم اعشار آتی استیافتنر مجلس
اداره به مراجعت ایله التزام ایتمک استنکاری
کوبلرک اسمنی تصریح ایتمکترین یالکز قاج
غروشلق اعشار در عهده ایتمک استنکاری
با عرضحال بیان ایده جکر در مستدعیلرک عهده
لرنده بولنان سکنالرنندن وزراع تعیش و ادارهلرنه
کافی اولان زراعت اراضیسندن ماعدا املاک
قیمت حقیقه سی یعنی حین احاله ده کی آیم صنام
فیائی هر نقداره بالغ اولور ایسه اکاکوره ایکی
قانی اوله رق بر اعتبار مالی تقدیر اولنوب املاک
مذکوره بر طرفندن محجوز اولدیغی حالده اولمقداره
یعنی الی پیک غروش قیمتی املاک ارانه ایدنلرک
بوزیک غروشه قدریبی طوقلق اوزره دفتر مخصوص
صنه قید اولنور و هیچ املاکی اولیانلردن
ویا خود عهده سننده کی املاک قیمتنه کوره تعیین
اولنه جق اعتبار مالیدن زیاده اعشار آتی آرزو
ایدنلر بولنور ایسه فضله سیچون انلردن قاعده
مبسوطه دائره سننده دیگر کفیل آلور ککرک
مستدعیلرک و کرک کفیلانرک عهده لرنده بولنسان

املاک کافی کورلمسیکی وزیرده کورستریلان مقداره
موافق نقد آنچه دیوزیتو ایلمدیکی و یا خود اعشار
واموال سارهدن میری به بورجلو بولندقلری حالده
کیفیتی عرضحالر ظهیرینه اشمارتله مجلس اداره
قضامهربله مهرلنرک اصحابنه اعاده قننور املاک
مذکوره ایچون مجلس اداره قضاجه تعیین قلمنه
جق قیمت حقیقه درجه سنک نقصان اولدیغنه
اعتراض ایتمک استیمان ملتزمین و کفیلان حلول مدت
احاله دن اول مرکز لواده و یا خود یکرمی ایکنجی
ماده ده بیان اولندیغی اوزره حاله مأمورینک زندنه
اعتراض ایله تصحیح ماده اولنمنی طلب ایده بیلورلر
وبواعتراض اوزرنه اجرا اولنه جق تدقیق اتده
تیین ایده جک حاله کوره مجلس اداره قضانک
قراری تأیید و یا خود تعدیل ایدیور عهده سننده
تقرر ایده جک اعشار بدلی مقدارینک ثمننی نقداً
دیوزیتو ایدنلردن دیگر کفیل اخذی لازم
کلیه جکی کبی قریه لری اعشارینی آلیق استیمان اهالی
یکدیگرینه کفیل بالمال اولق اوزره انلردن
بشقه جه کفیل آلتز ختام مزایده ده تمفا قانوننا
مه سننه توفیقاً پوالی سندات آتی اوزره یالکز
انسان مزایده ده کفالت خصوصنک اوراق
رسمیدن اولان مزاد بوصله لرینه بالترتیم کفلا به
تخیمبله کتفا و وقت مزایده ده بولنه به جق
کفیلانینه پوالی اوله رق سند موقت اخذ واسنیفا

قننور و دیوزیتو ایچمه سی الشصوک تقاضایطه
محبوب اولنور .

یکرمی ایکنجی ماده — احاله به مأمور
اولانلر هر قضاده احاله مدت نك حلولندن اول
ویا خود انسانی احاله ده ملتزمین و کفیلان ایچون اولجه
تعیین اولنسان اعتبارات درجه سنی تدقیق و خنی
وجلی تحقیق ایدرک کرک ملتزمین و کرک کفلا به
تعیین اولنمش اولان استطاعت مالیه مقدارینی
قیم املاک تقدیر حقیقه سنندن زیاده کوردیکی
حالده اجرای تنزیلات و تعدیلات و یا خود وثیق
تأمینات ایلیه جک و ماده سابقه ده بیان اولندیغی
اوزره مجلس اداره قضاجه تعیین اولنسان اعتبار
مالی مقدارینه و یا خود استمدانرینک ردینه اعتراض
ایدن ملتزمین و کفیلانک اعتراضلرینی بالاستماع
ایچابنی اجرا ایده جکدر .

یکرمی اوچنجی ماده — ماده سابقه ده
بیان اولندیغی اوزره اولجه کیندوسنک و کفیلنک
مقدار اعتبارینی تحت تصدیقه الیر مامش اولانلرک
مدت احاله ظرفنده و بره جکری پیلرک مجلس اداره
قضا و حاله مأموری طرفندن همان تحقیق و تقدیر
اولنه جق مقدار اعتباره کوره قبولی جائز اولور
ایسه ده بویله حاله به باشلانندیغی صره ده مراجعت
ایدن ملتزمین و کفیلانک حاله مأموری و مجلس

طرفندن بیان اولنه جق مقدار اعتباره قناعت
ایتمی لازم کلوز .

یکرمی درنجی ماده — مزایده اولنسان
اعشاره در سعادتندن بی اورمی و یا خود ولایتلر
ده کی ملتزملردن به ضمیمه کفالت ایتمک استیمانلر
کیندولرینک و یا خود کورستره جکری کفیلرک
عهده لرنده قیمتی التزام و یا خود تکفل ایده جکری
اعشارک در جائنه کوره یکرمی برنجی ماده ده محرر
قواعد موافق املاک و اراضی بولندیغی حالده
املاک مذکوره نك تمامیله ایضای تعهد اولننجیه دکن
آخره فراغ اولنه ماسیچون قیدی بالاسننه شرح
یرلدیکی و یا خود خزیننه جلیله نك قبول ایده بیله
جکی صورتده دیگر تأمینات ماده یعنی الاجنی
اعشارک نمانی نسبتنده نقد و یا حکومت سنیه نك رسماً
پاسه ده تداول ایدن و حاملنه مائد اولان تحویلاتی
پاسه فیائیله دیوزیتو ایلمدیکی حالده خزیننه جه
پی و کفیلانلری طویاور واشبو نقداک صوک
نفسیطره محسوب اولنه جنی کبی تحویلات دخی
ایضای تعهد قدر اعاده ایلمز بولنلردن خیری بر
صورتله هیچ کسننه نك پی و کفالتی قبول اولنمز .

(مابعدی وار)

قسم غیر رسمی

ارزنجان محکمه بدایت جزا دائرہ سنہ
مخصوص محاکمہ ضبط ورقہ سیدر

- (ارزنجان سنجائی داخلندہ کائن رفاهیہ)
- (قضا سنہ مضاف زوکر قریہ سی اہالیسندن)
- (وتبہ دولتعلیہ نیک اسلام ملتندن قومبار زاده)
- (عثمان بکک مخدومی محمدی طقسان طقوز)
- (سنہ سی تموز نیک سکرنجی جمعہ کونی قریہ)
- (مزبورہ یہ بکریمی دقیقہ مسافہ دہ کی ارمودلی)
- (نام محلہ روولور قورشونیلہ قتل ایللسندن)
- (طولابی مظنوناً مرکز لوادہ موقوف بولنان)
- (قریہ مزبورہ ملی تبعہ مشار الیہادن قومبار)
- (زاده فیروز اغانک مخدومی طورسونک جنایتلہ)
- (اتہامنہ دائر محاکمہ علیہ ضبطنامہ)
- (صورتیدر)

ارزنجان سنجائی داخلندہ کائن رفاهیہ
قضا سنہ مضاف زوکر قریہ سی اہالیسندن وتبعہ
دولتعلیہ نیک اسلام ملتندن قومبار زاده عثمان
بکک مخدومی محمدی طقسان طقوز سنہ سی
تموز نیک سکرنجی جمعہ کونی قریہ مزبورہ یہ
بکریمی دقیقہ مسافہ دہ کی ارمودلی نام محلہ

دور اور قورشونیلہ قتل ایللسندن طولابی مظنوناً
مرکز لوادہ موقوف بولنان قریہ مزبورہ ملی
تبعہ مشار الیہادن قومبار زاده فیروز اغانک
مخدومی طورسونک جنایتلہ اتہامنہ اولدیغنه دائر
ارضروم ولایت جلیلیہ سی ہیئت اتہامیہ سندن
تنظیم قلنان فی ۲۶ مارت سنہ ۳۰۳ تاریخلو
واون نومرولی مضبطہ ارزنجان بدایت محکمہ سی
مدعی عمومی معاونی رمزی افندی نیک فی ۱۱ نیسان
سنہ ۳۰۳ تاریخلو ویش نومرولی اتہامنہ سیلہ
مع اوراق متفرعہ محکمہ مزبور جزا دائرہ سنہ
تبلیغ واعطای اولتشدیدی بیک اوچوز درت
سنہ سی شعبانک بکریمی اوچنجی کونہ مصادف
اولان بیک اوچوز اوج سنہ سی مایسنک دردنجی
بازار ایرتسی کونی تشکل ایدن ہیئتندہ
معاون مومی الیہ حاضر اولدیغی حالہ موقوف
مرقوم اصول محاکمات جزائیہ قانون موقتک
ایکی بوز قرق سکرنجی مادہ سی موجبہ جلب
وایکی بوز قرق طقوزنجی مادہ حکمنجہ دہ اثنای
محاکمہ مدافعانندہ معاونت ایتک اوزرہ بروکیل

انتخاب وتعیین ایلسی تکلیف وخطار قلندی
ومرقومده ارزنجانک عجم اوغلی محلہ لی درملکوی
تیان ماردریوس افندی بی انتخاب وتعیین ایتکلہ
وایکی بوز الی برنجی مادہ منطوقنجہ ایکی بوز
الی دردنجی مادہ دہ محرر اسباب اربعہ دن بریلہ
اتہام قرار نیک مفسوخیتی ادعاہ کندیوسنی حقی

عدایدر سہ بش کون ظرفندہ ایدہ یلروب اندن صکرہ
مسموع اولہ سیہ جفی بان واخلار اولدہرق ضبط
ورقہ سی امضالند برلشدیدی ہیئت اتہامیہ مضبطہ سی
علیہندہ ادعای مفسوخیت ایچون معین اولان
مدت مرور ایتدیکی حالہ متهم مرقوم مفسوخیت
ادعاہندہ بولتاش اولدیغندن وچاغاً محاکمہ سنک
اجراسنہ قرار ویرلدی بونک اوزرینہ اوچوز
درت سنہ سی رمضان شریفنک اون بدنجی کونہ
مصادف اولان اوچوز اوج سنہ سی مایسنک
بکریمی بدنجی چهارشنبه کونی رئیس حاجی محمد
نصرت بک اعضا شواش وھیپارسوم وملازم
اعضا صالح وارتن افندیلردن تشکل ایدن ہیئتندہ
مدعی عمومی معاونی رمزی افندی ومدعی شخصی
مقولک برادری عاصم ومتهم وکیلی ماردریوس
افندی حاضر اولدقلری حالہ متهم مرقوم طور
سون اصول محاکمات جزائیہ قانون موقتک ایکی
بوز التمش اوچنجی مادہ سنہ توفیقاً مقید اولدیہرق
وقف منع فراری ضمنندہ یانندہ مقدار کافی ژاندرہ
افراد ی بولدیہرق محکمہ بہ جلیلیہ اسم وشہرت
وسن وصنعت ومحل اقامت ومولدی استفسار
ایدلدی وایکی بوز التمش دردنجی وایکی بوز التمش
بشنجی مادہ لری مندرجاتی کندیوسیلہ وکیلہ بیان
واخطار اولندقدن صکرہ ہیئت اتہامیہ مضبطہ سیلہ
اتہامنہ ضبط ککاتی محمود افندی بہ قرائت
ایتدیلدی مضبطہ اتہامیہ مآلی مظنون علیہ
مرقوم فیروز اغانک اوغلی طورسون محمدی

طبائخہ قورشونیلہ قتل ایلدیکی اوراق تحقیقہ دہ
مضبوط الاسامی کسانک مع القسم وقوعبولان
اخبار لری ومرفومک بو اخباراتہ قارشو معتبر
افادہ ومدافعہ دہ بولنہ مامسی دلائیلہ تحقیق ایتش
وحرکت واقعہ سی دخی قانون جزانک بوز التمش
دردنجی مادہ سی حکمنجہ بحا ذات ترہیبیہ بی
مستلزم افعال جنایتیہ دن بولتاش اولدیغندن اولجہلہ
جنایتلہ اتہام ایدلدیکنی وآمر قائل کوستریلان
پدری فیروز اغا حقتندہ دلائل ثبوتیہ اقران اولنہ
مدیغندن بونکدہ برائتندہ قرار ویرلدیکنی حاویدر
اتہامنہ مصادی دخی مظنون مرقوم طور
سون قومبار زاده عثمان بکک مخدومی محمدی
طقسان طقوز سنہ سی تموز نیک سکرنجی جمعہ
کونی قریہ لرینہ بکریمی دقیقہ مسافہ دہ وچادہ
اوزرنده طبائخہ قورشونیلہ قتل ایلدیکی متعدد
اشخاصک درجہ درجہ واقع اولان اخبارات
محلہ لری وبواخباراتہ قارشو طورسونک مدافعہ
معتبرہ دہ بولنہ مامسی وبرارلق فرار دہ بولنمسی
وپدرینک دخی صلح طلبی دلائیلہ تحقیق ایتکلہ
جنایتلہ اتہام ایدلدیکنی محتویدر

برمنوال محرر مضبطہ اتہامیہ ایلہ اتہامنہ
قرائت واصول محاکمات جزائیہ قانون موقتک
ایکی بوز التمش التنجی مادہ سنک برنجی فقرہ سنہ
توفیقاً متهم مرقومہ تبلیغات لازمہ اجرا اولندقدن

صکره معاون مومی الیه اتم امنامه سی مندرجاتی
وجهله تشریح ماده برله شمذیک شهودک استماعی
بیانیه بریسی حقوق عمومیه دیگر مظنون علیهمک
شاهداری اسامیسی متضمن اوراق اوزره ایکی
قطعه شهود پوصله سی ابراز ایلدی .

بونک اوزرینه منهم مرقوم استجواب ایلدی
بواشدن عدم معلوماتی و عقیب وقوعاتده فرار
ایتمیوب کنددی امورینک تسویه سی یعنی غائب
اولان اینکی اراق اوزره کویلرده بولدیغنی
و پدرینک صلح طلبیدن خبری اولدیغنی
بیان ایتدی مدعی شخصی اوراق اوزره حاضر
یالجا که بولنان مقتولک برادری حاصم اشو منتمک
برادری محمدی قتل ایتدیکنی سوبلدی مدافعه
و کیلی حاصمک وارث شرعی اولدیغندن محاکمه
حضوری مجاز اولدیغنی دیدی مدعی عمومی
معاونی بو حاصم ثبوت ماده بی هروجهله تسهیل
ایده چکی جهنله محاکمه دایما بولمسی طلب
ایلدی بوکا قارشو منتمم مقتولک پدری داعواسندن
فراغت ایتدیکنی مدعی عمومی معاونلیکنه باتلغراف
پیلدیردیکنی درمیان ایتدی مذکور تلغراف
بولدیریلررق او قوندی مالی طورسون وعلینک
مخدومنک قتلنده مدخلاری اولدیغنی عندالحقیق
یقین حاصل اولدیغندن دعواسندن فراغت
ایلدیکنی مشعر اولدیغنی کورلدی بونک اوزرینه

ایجابی لری المذاکره مقتولک برادری حاصمک
محاکمه علیته ده مدعی صقیله بولمسنه محاذیر
و نوعیت قانونیه اولدیغندن منهم وکیلینک
بویلمدی افاده سنک ردینه و حاصمک محاکمه
بولدیریلمسنه متفقاً وریلان فرار تفهیم اولندی بناء
علیه مدعی عمومی معاونک ابراز ایتدی شهود
پوصله سی چهرأ قرائت ایتدیریلکدن صکره منتمده
اسامیسی محرر شاهدردن زوکر قریه لی طائفه
زراعدن بوزان اوغلی یوسف علی الاصول جلب
اولنهرق اسم و شهرت و سن و صنعت و محل اقامت
و مولدی و طرفینی طانیوب طانیغنی وینلرده برکونه
خدمتکارلق اولوب اولدیغنی صوریلررق مقتولک
پدری دایسنک اوغلی و منتمک اوکی دایسی اوغلی
اولدیغنی افاده و تحلیفی اجرا اولندقدن صکره
افاده سابقه سنی تمامیه تکرار ایده میوب مقتوله
پدری حرصلنه ررق برابرکتدکارینی فضله سوبلدیکنی
کی کندوسی اختصار اولدیغندن نه دیوب دیمه .
دیکنی بیلدیکنی علاوه مقال ایتدی .

معاون مومی الیه اشبو شاهد کتم شهادت
ایلدیکندن توفیق مذکره سی اعطا ایله حقنده
یلانجی شاهدک معامله سی اجراسنی و اولکی
شهادتی ووروب و برمدیکنک اکلاشلق اوزره
مستطق ایله ضبط کاتبنک استماعلرینی طلب ایلدی
شاهد مرقومک اوراق استنطاقیه ده مضبوط

افاده سی او قوندقه کندوسنک اولدیغنی سوبلدی
منهم شاهد حقنده برکونه ایرادطن ایتدی جلب
اولنان واسم و شهرت و صنعت و سائره سی
صوریلوب مقتولک پدری قاتن پدری اولوب
منهم طرفنه قرابت و خدمتی اولدیغنی افاده سندن
اکلاشیلان دیگر شاهد رفاهیله ده کلو کسور قریه لی
رنجیر طائفه سندن افان حسین مع القسم افاده
تحریریه سنه موافق صورتده ادای شهادت ایتدی
منهم مقتول ایله غوغا ایتدی کلابینی و کندوسی
کوندی تعبیر اولنور اوت بیچمکه مخصوص آلاتی
چکمدیکنی و مقتول ایله اقربا اولدقلمینی بیان
ایلدی وکیل مدافع بو شاهد فعل قتلک مؤکندن
صدورینه شهادت ایتدیکنی دیدی جلب اولنوب
اسم و شهرت و صنعت و سائره سی سؤال ایدیلان
طرفینه قرابتی و شرکت و غرضی اولدیغنی
افاده سنده اکلاشیلان رفاهیله نک زوکر قریه سندن
ورنجیر طائفدن نیورجی اوغلی محمد بن عثمان
تحلیف اولندقدن صکره افاده مضبوطه سنی قسماً
تکرار ایدوب انجق قائل ایله مقتول پیننده محاوره
و منازعه سبقت ایتدیکنی مابین اوله ررق بیاناتده
بولندی بالجلب اسم و شهرت و سائره سی بعدالسؤال
تحلیف ایدیلان طرفینه قرابتی اولیمان دیگر
شاهد رفاهیله ده جان قریه لی زراعتله مشغول
حسین اوغلی حسنی افندی افاده سابقه سنی تکرار
ایتدی اقدجه مستنطق حضورینه جلب ایدیلوب

عدم معلومات بیان ایدن شاهد ماندولوسی
قریه لی دلی مصطفانک دیگر شاهدلره نه مجبوریتله
پاره وریلدیکی شاهد مرقومدن سؤال اولندقده
دلی مصطفی مقتولک پدرینک اوطه سنده برقاچ
شاهده بر مجیدیه ورمشسه ده نه مجبوریتله
ویردیکنی بیلدیکنی سوبلدی .

ماندولوسی قریه لی سالف الاسم دلی مصطفانک
دیگر حقوق عمومیه شاهدلرینه نه مجبوریتله انچه
ویردیکی حقنده ترتیب اولنان سؤال وررقه سی
قرائت اولندی مالی کندوسیله برابرلوا به شهادته
کله جک اولان خطیب اوغلی یعقوب و بیکی کویلی
علی چاوش قومبار اوغلی احمد خانک اوطه سنده
برلشمدکاری اتساده یعقوب خرچانغی اولدیغنی
سوبلسیله بوج اوله ررق کیسه سندن برمجیدیه
ویردیکنی و علی چاوشه دخی و برمک ایستنه مش
ایسه ده المدیغنی و کندولرله لوا به برابر کلمدیکنی
و قریه لرینه عودتلرنده یعقوبدن برمجیدیه بی الدیغنی
ناظقدر .

جلب ایدیلوب اسم و شهرت و سائره سی
صوریلان طرفینه خدمتی سبقت ایدوب قرابتی
اولدیغنی افاده سندن استدلال اولنان زوکر ناحیه سی
مدبری مندولوسی قریه لی مصطفی اوغلی محمدافا
بعدالتحلیف افاده اولیه سنی تذکار ایتسی اوزرینه

مدافعه و کیلی بوشاهدک و بر مش اولدیغی اخبار
نامه سنده کورسردیکی شاهدرک اتنای استنطاق
و نجه بنامده اخبار نه مغار ادای شهادت ایتدکری
جهنله موکانه اولان عداوت دنیوبه سی الجا آتیه
مذکور اخبار نامه بی و برمش اولدیغی سویلدی
بناء علیه شاهد مرقومک اخبار نامه سی اوقوندی .

زیده مالی متولک پدری فیروز اغا اوغلی
طور سونه خطاباً (اوغلان کیت شونی اولدر بونک
دیرسیله اوغراشمقن ایه اولوسیله اوغراشمق
دها خیر لودر) دبه رک طور سونی کوندروب
محمدی قتل ایتدیردیکنه و طور سونک (بابام امر
ایتدی المدن بر قضا چیتدی) دیوفعل قتلی اقرارینه
شاهد اولق اوزره بر طاقم اسامی و مندولوسی
سفلا قریه لی مخبر صادق محمد و قاز و بران قریه لی
مخبر صادق رشدی امضا و مهر لرینی متضمن اولدیغی
کورلیدی .

برنجی شاهد بوز اغا اوغلی بوسفک
استنطاقنده کی تقریر لرله اتنای محاکمه سبب ایدن
افاده سنک مهابنتی تدقیق و مذاکره اولندوقده هر
ایکی افاده مجرمیت و یارائه خدمت ایدر درجه ده
اولدیغندن حقنده یلانچی شاهدک معامله سی
ایفاسنه محل اولماغله عدم مسؤلیتنه و مستنطق
وضبط کاتبندن دخی استعمال کیفیته حاجت

اولدیغنه و دیکر شاهدلرک استماعنک فردایه
تعلیقنه قرار ویرلیدی .

بیک اوچیوز اوج سنه سی حزرانک اوچنجی
کونی رئیس حاجی محمد بک اعضا احد و همپار سوم
ونشأت و ملازم اعضا ارتین افندیلردن متشکل
هیئت حاکمه مدعی عمومی معاونی رمزی افندی
و مدعی شخصی مقتولک برادری عاصم و متهم ایله
و کیلی بر قاعده موجود اولدقنری حاکمه ضبط
سابق و بالاده کی قرار قرائت و تفهیم اولتمسینی
متعاقب معاون مومی ایله مقتولک برادری عاصم
طرفندن و بریلان بر قطع استماعک قرائتنی طاب
ایلدی بناء علیه اوقوندی .

مالی متهم و کیلی مار دپروس افندی اعضا
ملازمی ارتین افندی نیک برادری اولق حسدیله
برادرینه تبعیتله طور سونی حایه ایده جکی طبیعی
اولدیغندن مومی ایله ارتین افندی نیک محاکمه
بولندیرلماسی استدعا سندن عبارت اولدیغی
اکلاشلندی .

ایحائی لدی المذاکره قانونک طرفینه رد اعضا
ادعای صلاحیتنی ویردیکی اسباب اریبه موجود
اولماغله ملازم اعضا ارتین افندی نیک محاکمه

بولندیرلمسینه و مستدعی مرقومدن یوز غروش
جزای نقدی التمسینه منجماً قرار ویرلیدی تفهیم
قلندی .

جلب ایدیلوب اسم و شهرت و سن و صنعت
و محل اقامت و مولدی و طرفینه قرابت و شرکتی
اولوب اولدیغی سؤال ایدیلان و مقتوله قرابتی
اولدیغی عمیسده همشیره سی اولدیغی سویلیان
قضاء مزبورک قازویران قریه لی طائفه زراعدن
رشدی بن علی افاده مضبوطه سنی تکرار و ناحیه
مدیریه مشترکاً اعطا ایتمش اولدقنری اخبار نامه ده
اسملری محرر کساندن ایشتمش اولدقنری و جهله اخبار
کیفیت ایتمش اولدیغنی تذکار ایتدی اخبار نامه ده
کورسرتیلان شاهدلر صورت انکارده بولندیغی
جانب ریاستدن بیان اولندوقده کندولرینه اولوقت
سویلدکری و جهله حقوق عمومیه نامنه اخبار
کیفیت ایلدکری بی سویلدی مدافعه و کیلی
مار دپروس افندی شاهد مقامنده حضور محکمه به
جلب و استماع اولتان اشبور رشدی افندی نیک
شهادتی اولکی استماع ایدیلان بش نفر شاهدلرک
شهادتی کبی فعل قتلك مؤکلندن صدورینه دائر
مشهودات و اخبار اتدن وثبوت جریمه مدار
اوله یله جک ادله دن معدود اولدیغندن شهادتی
علیهنه برشی دیمکه محل اولوب انجق مقدا
ناحیه مدیری محمد اغا ایله مشترکاً و برمش اولدقنری
اخبار نامه ارباب غرضک تشویقاتی و مؤکلی

فالمیاسیله یینلرنده اولان عداوت و نفسانیت اثری
اولدیغنی و ذاتاً اخبار نامه ده کورسردکری شاهدلر
مخلفاً عدم معلومات لرینی بیان ایتمش اولدقنندن اخبار
نامه مذکورک حکم سزطو تلمسینی دیلدی و بیان ایدیلان
غرض ندن عبارت اولدیغی صورلدوقده متهم
ناحیه مدیری محمد اغا ایله بر قز ماده سندن و بر مرک
احراقی دعوا سندن طولابی محاکمه اولمردن
ورشدی افندی دخی ناحیه مدیرلکندن سبب
انفصالی پدرینه محل ایتسندن و همشیره سی پدرینه
ناحیه دلتوب صکره ویرماملری حسدیله بیترلی
بوز بلوب بر ایکی دفعه منازعه سبقت ایتسندن
عبارت اولدیغنی و عند الايجاب اشبو تعداد
ایتدیغی غرضی اثبات ایده یله جکی سویلدی .

(مابعدی وار)

اعلان

اوچیوز درت سنه سی کانون ثانیه نیک بکری

برنجی بازار کجده سی - لیمایه عمارتک اوزرندن
 بر قاج نخنه قورشونی و طولله بقیچه سرای همایونی
 صوبولنی حفر ابدرك ص - و بوریلرینی سمرقت
 ایتدیکی ادما اولتمسندن طولابی مظنون علیه
 اولان هن اصل هزار فرادلی اولوب ازمیدده
 رنجبرلك ايله مشغول و اقا شکاهی مجهول بولنان
 قریبق و قره کوزلی تخمیناً بکرمی سکر یا شنده
 حسینک افعال مذکوریه جرأتی ثابت و حرکت
 واقعه سی دخی قانون جزانک ایکی بوز بکرمی
 ماده سی حکمنه موافق جنایت نوعدن ایدوکنندن
 اصول محاکمات جزاییه قانون موقتک باب رابعنک
 فصل نایسنده محرر مواد احکامنه توفیقاً محکمه
 جنایتده محاکمه سی اجرا اولتیق اوزره جنایتله
 اتهامنه قرار ویرلمکله متهم مرقومک هرزده
 کوریلور ایسه همان طویلوب محکمه مذکور
 حبسخانه سنه تسلیمی لازم کله جکی بالجمله ضابطه
 عدلیه مأمورینک معلومی اولتیق اوزره اشبو
 اخذ و گرفت مذکره سی در سعادت استیفاف
 جنحه دائره سی زندنده متشکل هیئت اتهامیه دن اعطا
 قلندی .

فی ۴ ذی القعدة سنه ۳۰۶

وفی ۲۱ حزیران سنه ۳۰۵

بفورتجی دیمتریک در سعادت بدایت محکمه سی
 برنجی حقوق دائره سنندن و بریلان فی ۲۸ کانون
 اول سنه ۳۰۳ تاریخی اعلام موجبجه بفورتجی
 قسطی ولدلامبو ذمتنده الاجفی اولان مبالغ
 معلومه نك تأمین استیفاسیچون تحت مجزه الننان
 گفته ده سیچمی زقاغنده تخمیناً ایکیوز اونوز بر
 ارشون عرصه اوزرینه مینی فوقنده اوج او طه
 و بر ایدسخانه و دروننده ایکی عدد قیوی و ارقه
 طرفنده الی طقوز ارشون مقداری باغچه بی
 و دروننده کبیر عدد سودجی اوجاغنی حاوی
 بکرمی برواقصالنده اولهرق بکرمی طقوز ارشون
 عرصه اوزرینه مینی بکرمی اوج نومرولی سودجی
 و قوری قهوه سی دکانتری برسند داخلنده اولهرق
 یوز بیکرمی حصه اعتبارله مدیون مرقومک
 متصرف اولدیغنی اونوز حصه سنک تاریخ اعلاندن
 اعتباراً اون بش کون صکره بالزاید فروخته
 تشبث اولنه جغنی در سعادت اعلامات نظامیه
 اجرا دائره سنندن اعلان اولنور .

فی ۲۷ حزیران سنه ۳۰۵

فواد افندیك بقال بدوسه در سعادت بدایت
 محکمه سی برنجی حقوق دائره سنندن اعطا قلنان
 فی ۱ نیسان سنه ۳۰۴ تاریخی والتش نومرولی
 برقطعه اعلام موجبجه محکوم به دینی اولان
 مبالغک تسویه سیچون در سعادتده رستم پاشا
 محله سننده ایچیلر جاده سننده کانت تخمیناً اونوز
 درت ارشون عرصه اوزرینه مینی کار کبیر بر باب
 دکان نصفنک اوج حصه اعتبارله مدیون مومی -
 الیه انتقال اعمی لازم کلان بر حصه سنک تاریخ
 اعلاندن اعتباراً اون بش کون صکره بالزاید
 فروخته تشبث اولنه جغنی در سعادت اعلامات
 نظامیه اجرا دائره سنندن اعلان اولنور .

فی ۲۸ حزیران سنه ۳۰۵

جنس اشیا و دقاتر	عدد اشیا
ایدنقوا قابلی	۳۲
سماطاردی	۴۶
اوزون طار	۱۲
یارم بطلال	۱۷
بیچق استانبول	۱۷
بطلال قابلی و قابسز	۲۳
یارم ایدنقوا	۵۹

۲۹ سکر بومک بطلال
 ۵ چاریک قابلی

احداغاوزوجه سی حوریه خانمک در سعادت
 بدایت محکمه سی برنجی حقوق دائره سنندن و بریلان
 فی ۱۲ نیسان سنه ۳۰۵ تاریخی اعلام موجبجه
 دفترجی نسیم ذمتنده الاجتری اولان مبالغ
 معلومه نك تأمین استیفاسیچون مرقومک مالی
 اولوب تحت مجزه الننان بروجده بالاطقوز قلده
 ایکیوز قرق عدد دقاترک اوجوز بش سنه سی
 تموزیک در دنجی صالی والتجی پنجه سنه و سکرنجی
 جمعه ایتدی کونلری مرجان چارشوسنده
 فروخت اولنه جغندن طالب اولنلرک ذکر اولنان
 ایامده محل مذکور مراجعت ایللری اعلان
 اولنور .

فی ۱ تموز سنه ۳۰۵

فا کهه خانمک در سعادت بدایت محکمه سی
 برنجی حقوق دائره سنندن و بریلان فی ۳ کانون
 اول سنه ۳۰۴ تاریخی اعلام موجبجه طرنویلی
 احدا افندی ذمتنده الاجفی اولان مبالغ معلومه نك

تأمین استیفاسیچون تحت حجزه انسان ومدیون
مومی البهک پدری متوفی مصطفی افان ارثاً انتقال
ایتمی لازم کلان نوری دده محله سنده طوبیچو
جاده سنده یوز الی سکر نومرولی خانه نک تختنده
واقع یوز التمش نومرولی و اوتوز ارشون عرصه
اوزرینه مینی برباب اخشاب قهوه خانه ثلثک
درت حصه اعتباریله بر حصه سنک تاریخ اعلاندن
اعتباراً اون بش کون صکره بالمزایده فروخته
تشبث اولنه جغی در سعادت اعلامات نظامیه
اجرا دآره سنندن اعلان اولنور .

فی ۱ تموز سنه ۳۰۵

بیک اوچبوز درت سنه سی تشرین اولنده
یونان دولتی تبعه سنندن بورکی بی جرح و قتل
وتبعه دولت علیه دن توفلوسی جرح ایلسنندن
طولایی غیاباً اتهام اولنان پاپاس کوپر بسنده دیلار
زقاغنده قره غولخانه اتصالینده کی خانه ده ساکن
ایکن فراریدن یونان دولتی تبعه سنندن قره بیقلی
چافر شهلا کوزلی اوزونجه بویلی اسمر چهره لی
ما کینه جی کور اندون شمعی به دکن اله کچوریله
مدیکندن اصول محاکمات جزاییه قانونک اوچبوز
یتش برنجی ماده سنه توفیقاً قانونه اطاعتله محکمه به

کلک اوزره تاریخ اعلاندن بالاعتبار جانب ریاستدن
مرقومه اون کون مهل ویرلمش اولغاله مدت
مذ کوره ظرفنده محکمه به کلدیکی تقدیرده قانونه
اطاعت ایتماش نظریله باقیله رق محاکمه غیابیه سی
بالاجرا حقوق مدنیه دن بالاسقاط اموالی حجز
ایدیله جکی و بومدت ظرفنده رکونادعوی اقامه سنه
حقی اوله میه جغی و مرقومک بولندیغی محلی بیلنر
خبرورمکه وبالجمله ضابطه عدلیه مأمور لرینک
کنندوسنی اخذ و گرفت ایتمکه مجبور اولدقلری
و فراری مرقوم حقنده اخذ و گرفت امری اعطا
قلندیغی بیانیله اعلان کیفیت اولنور .

فی ۲۹ حزیران سنه ۳۰۵

قایقخانه نک نصف حصه شایعه سی و بورون باغچه
نام محله سلطانیه جاده سنده بکرمی ایکی نومرو
ایله مرقم مقدا صو دکرمانی الیوم خراب
طالبان و اوطله و قایقخانه نک و بوز و بوزر نومرو .
رله مرقم اغریب اوطله سیله و ولی محملک سکر
حصه اعتباریله بر بچق حصه شایعه لری تاریخ
اعلاندن اعتباراً اون بش کون صکره بالمزایده
فروخت اولنه جغی بک اوغلی بدایت محکمه سی
اجرا مأموریتی چاپندن اعلان اولنور .

فی ۲ رمضان سنه ۳۰۶

و فی ۲۰ نیسان سنه ۳۰۵

شبهه قصبه سنک بالی بک محله سنده مقیم سمرجی
دانادی مصطفی افندی نک شبهه قضایای بدایت
محکمه سنندن استحصال ایتمش اولدیغی ۲۹ کاون
اول سنه ۳۰۴ تاریخی و قرق درت نومرولی
اعلام موجبجه محله مذ کوره اهالی سنندن قره علی
اوغلی عثمان رئیس ذمتنده الاجغی اولان مبالغ
معاومه نک تأمین استیفاسی ضمتنده مدیون مرقومک
عهده تصرفنده اولوب محجوز بولنسان محله
مذ کوره نک اوچورم الی موقعنده حدود محرره
سیله محدود اولان برباب قایق طاقی مغازه سی ایله
بش قایق چکیلور قایق چوککنک نصف حصه
لری بوندن اول مزایده به قونیلرک سیم مجیدیله

بکرمی غروش حسابیله ایکیک بشیوز غروشده
طالبی اوزرنده نقرر ایتمش اولدیغندن یوزده بش
ضمیله بوندن زیادیه طالب اولنلرک زیادیه معلومات
المق ایستیانلرک اشبو تاریخ اعلاندن اعتباراً اوتوز
برکونه قدرشبهه بدایت محکمه سی اجرا دآره سنه
مراجعت الظلری اعلان اولنور .

فی ۲۸ حزیران سنه ۳۰۵

ابراهیم افانک عزتلو سالم بک ذمتنده بااعلام
الاجغی اولان مبالغ تأمین استیفاسی ضمتنده
مرهون و فروختی محکوم اولان بکرمی جاده سنده
استناوروز محله سنده واقع مرحوم عبدالله اغا
و قنندن الی نومرولی و سنوی بوز الی ایچیه
مقاطعه لو کرومی ملک برقطعه باغک نصف حصه
سنک تاریخ اعلاندن اعتباراً اون بش کون صکره
بالمزایده فروخته مبادرت اولنه جغی اسکدار بدایت
محکمه سی اجرا دآره سنندن اعلان اولنور .

فی ۲۹ حزیران سنه ۳۰۵

استطاعت خرد و ویرکی و رومیجه قادین
 ذمتلنده بااعلام الاجنئی اولان مبالغتک تأمین
 استیفاسی ضمنده مدیونلرک مالی اولوب تحت ججزه
 النان بکلیر بکنده استاوروزده باغچه جق دیتکله
 معروف ایکی نومرولی برقطعه بوستانک عندالزاید
 لیرایوز غروش حسابله اون بش بیک بشیوز
 غروش بدل ایله طالی عهدده سنده تقرر ایتمکله
 تاریخ اعلاندن اعتباراً اوتوز برکون صکره قرار
 قطعیسی و بریله جکندن یوزده بش ضمیمه زیاده
 طالب اولنلرک اسکدار بدایت محکمه سی اجرا
 دائره سنه مراجعت ایللری اعلان اولنور .

فی ۳ تموز سنه ۳۰۵

عمر طاهر افانک شریفه رفیه خانم ذمتلنده
 بااعلام الاجنئی اولان مبالغتک تأمین استیفاسی
 ضمنده داین مومی ایله عهدده سنه وفاء فراغ
 ایدلمش اولان درس مادتده چارشوی کبیر ایچنده
 رسام بصمه جیلر زقاغنده اون التي نومرولی قزاز
 دکانتک کدک حصه سنک تاریخ اعلاندن اعتباراً
 اون بش کون صکره بالمزاید فروخته مبادرت
 اولنه جنئی اسکدار بدایت محکمه سی اجرا دایر سندن
 اعلان اولنور .

فی ۶ تموز سنه ۳۰۵

محمد فائق بکک سلیم پاشا زاده نصرت بک
 ذمتلنده بااعلام الاجنئی اولان مبالغتک تأمین

استیفاسی ضمنده مدیونک مالی اولوب تحت ججزه
 النان اسکدارده التونی زاده محله سنده نشان
 طاشی چاده سنده کائن سکر حصه اعتباریله
 متصرف اولدیغی التي نومرولی باغ و کوشکده
 اولان بر حصه سنک عندالمزاید لیرایوز غروش
 حسابله اون بش بیک غروش بدل ایله طالی
 عهدده سنده تقرر ایتمکله تاریخ اعلاندن اعتباراً
 اوتوز برکون صکره قرار قطعیسی و بریله جکندن
 یوزده بش ضمیمه زیاده به طالب اولنلرک اسکدار
 بدایت محکمه سی اجرا دائره سنه مراجعت ایللری
 اعلان اولنور .

فی ۶ تموز سنه ۳۰۵

عمر طاهر افانک سفیان بک زاده حسین رضا
 بک ذمتلنده بااعلام الاجنئی اولان مبالغتک تأمین
 استیفاسی ضمنده داین مومی ایله عهدده سنه وفاء فراغ
 ایدلمش اولان درس مادتده قوسقده مہمار کمال الدین
 محله سنده لاله لی چاده سنده کائن الی سکر نومرولی
 بر باب دکانتک مع ملک و کدک حصه سنک تاریخ
 اعلاندن اعتباراً اون بش کون صکره بالمزاید
 فروخته مبادرت اولنه جنئی اسکدار بدایت
 محکمه سی اجرا دایر سندن اعلان اولنور .

فی ۶ تموز سنه ۳۰۵